

Sarajevo, 21.07.2026.godine
Broj: I-151/26

Ministarstvo vanjskih poslova Bosne i Hercegovine
n/r gosp. Elmedina Konakovića, ministra

Predmet: Molba za upućivanje dodatnih službenika na rad u Ambasadu Bosne i Hercegovine u New Delhiju

Poštovani gospodine Ministre,

Prije svega zahvaljujemo se na našoj dosadašnjoj saradnji i podršci koju ste u prethodnom periodu pružili članicama Udruženja u smislu jačanja kapaciteta za rad i zapošljavanje stranaca u BiH. U tom kontekstu Udruženje poslodavaca u Federaciji Bosne i Hercegovine obraća Vam se sa molbom da, u skladu sa mogućnostima Ministarstva vanjskih poslova Bosne i Hercegovine, razmotrite hitno upućivanje dodatnog diplomatsko-konzularnog osoblja kao ispomoći u Ambasadu Bosne i Hercegovine u New Delhiju.

Zbog činjenice da Ambasada Bosne i Hercegovine u New Delhiju nije nadležna samo za Republiku Indiju, već pokriva i Nepal, Šri Lanku i Bangladeš, administracija koja se realizira putem ambasade postaje usko grlo u predmetnim procedurama.

Dodatno, posljednjih godina zabilježen je značajan porast broja zahtjeva za izdavanje viza i drugih konzularnih usluga iz svih navedenih država, što je rezultiralo izuzetno velikim opterećenjem postojećih kadrovskih kapaciteta Ambasade.

Istovremeno, privreda Bosne i Hercegovine se, usljed hroničnog nedostatka domaće radne snage, sve više oslanja na zapošljavanje radnika upravo iz Indije, Nepala, Bangladeša i Šri Lanke. Brojni poslodavci nakon uspješno okončanih procedura zapošljavanja i pribavljenih radnih dozvola mjesecima čekaju na izdavanje viza za radnike, isključivo zbog preopterećenosti Ambasade i nedovoljnog broja službenika koji obrađuju zahtjeve.

Takva situacija uzrokuje značajne poteškoće u poslovanju privrednih subjekata, odgađa početak rada novih zaposlenika, usporava realizaciju ugovorenih poslova i investicija te negativno utiče na konkurentnost domaće privrede.

Svjesni smo složenosti organizacije diplomatsko-konzularne mreže i ograničenih resursa Ministarstva vanjskih poslova Bosne i Hercegovine. Međutim, smatramo da bi makar privremeno upućivanje dodatne ispomoći u Ambasadu Bosne i Hercegovine u New Delhiju predstavljalo efikasnu i opravdanu mjeru koja bi omogućila bržu obradu zahtjeva, smanjila vrijeme čekanja na izdavanje viza, a time u konačnici pružila konkretnu podršku privredi Bosne i Hercegovine.

Imajući u vidu da se zbog povećavanja međunarodnog i domaćeg kretanja radne snage usljed različitih uzroka koji nisu vezani za stanje u BiH nego generalno, očekuje nastavak rasta potreba za angažovanjem radne snage iz navedenih država u BiH.

Uvjereni smo da je jačanje kapaciteta Ambasade u New Delhiju od izuzetnog značaja, kako za efikasno funkcionisanje konzularnih poslova, tako i za podršku ekonomskom razvoju Bosne i Hercegovine.

Zahvaljujemo na razumijevanju i nadamo se da ćete ovu inicijativu razmotriti sa posebnom pažnjom, te ujedno molimo da nas nadležne službe Vašeg ministarstva povratno obavijeste o aktivnostima po ovoj našoj molbi.

S poštovanjem,

DIREKTOR
Mario Nenadić
SARAJEVO
1